

Ny Valosoa sy hadihady

Andry Rajoelina sy ny tale jeneralin'ny Jirama Nahazo felaka mandrivorivo tamin'ny Banky Iraisampirenena

Tao nilatsaham-baratra ny filohan'ny repoblika sy ny tale jeneralin'ny Jirama notronin'ireo mpiara-dia aminy tao lavoloha. Nanaovan'ny Banky Iraisampirenena tamin'ny alalan'i Marie-Chantal Unwanyiligira, solontena maharitra, hafatra mavesatra ren-tany sy ren-danitra ary maso imaso, tao anaty lanonana fanaovana sonia mikasika tetikasa mitentina 220 tapitrisa dolara ho fanatsaràna ny famatsiana rano fisotro izay ho sitrahan'olona dimy tapitrisa monina ao Antananarivo sy tanàna dimy hafa voasina-gana toa an'i Mahajanga, Antsirabe, Manakara, no nisehoan'izany. Nisongadina tamin'izany fa tsy azo ialàna ny mpamatsy vola mahazatra, tsy mitsinjo ny vahoaka maro an'isa i Andry Rajoelina ary tsy mahay mitantana ka ho arakina akaiky. Fahafambara tsy roa aman-tany no niseho, ary imason'izao tontolo izao.

"Amin'ireo mpamatsy vola mahazatra, raha mbola ireo no ianteherantsika,... izaho milaza aminareo fa na amin'ny 2030, na amin'ny 2050 na amin'ny 2060, tsy handroso mihitsy i Madagasikara", hoy tsara i Andry Rajoelina taona vitsy lasa. Tehamaina mandrivorivo amin'ny fomba mihaja no nahazo an'i Andry Rajoelina. Ary tao an-dapa mihitsy no voafelaka. Ho tafiditra ao an-dohany ve fa hatreto aloha dia tsy afamala aminy izany isika? Indrisy fa tsy ho fay mandrakizay amin'ny vava miteniteny foana, fampanantenana paokaty sy lainga izany Andry Rajoelina izany. Tao anaty ny kabary nataon'i Marie-Chantal Unwanyiligira dia nitantara ny nahazo azy manokana vokatra ny fahatapahan-drano izy ary koa ny mahazo ireo fianakaviana mahantra milahatra eny amin'ny paompy. Izy tenany mihitsy no nidina teny ifotony nadihady sy nitrandraka vaovao. Vao maraina amin'ny 7 ora hoy izy dia efa milahatra rano eny amin'ny paompy i Faniry, no manao dian-tongotra roa

kilaometra. Ary tsy vitan'izany hoy izy, fa mahatratra 5000ar ny m3 amin'ny rano. Kanefa araka ny faktiora alefanao aty amiko andriamatoa DG hoy izy dia 750ar ny m3 alohako.

Rariny ve izany hoy izy nanontany ireo mpanatrika. Nanohy ihany izy nilaza hoe aleo izaho ihany no hamaly izany amin'ny toeranareo. Inoako hoy izy fa miara-manaiky amiko ianareo fa sady tsy rariny no tsisy fitovian-jo, « c'est injuste et inéquitable », satria ny olona mahantra indray no mando vindin-drano lafo noho ireo manana. Tokony ho maimaimpoana na moramora kokoa ny rano ho an'ireo mahantra hoy izy. Porofo mitohaka amin'ny tendany ity fa tsy mandraharaha vahoaka i Andry Rajoelina fa tombont-soan'olombitsy ihany.

Tsy vitan'izany ihany fa mbola notsindriny manokana koa ny tsy fahatokisana ny fitondrana sy ny Jirama eo amin'ny lafiny fitantanana sy ny fisian'ny kolikoly, izay sakana amin'ny fahalavorarian'ny tetikasa, ka ho apetraka ny « contrat de performance » amin'ny eo anivon'ny Jirama sy ministeran'ny Rano, mba hahafahana mamoka ny famatsiambola. Fahafambara tsy mbola nisy tao anaty enimpolo taona no miseho imason'izao tontolo izao. Raha mba nisy ny singam-panahy kely tavela dia mametraka fialàna i Andry Rajoelina sy ireo forongony, saingy vorona azon'adala ny fitondrana eto Madagasikara amin'izao fotoana izao.

Efa tsy ny vahoaka intsony ihany no mitory ny adalàn'izao fitondrana izao fa miditra an-tsehatra koa ny avy any ivelany. Hatreto aloha na dia nanarin'ny Vondrombe Eoropeanina mikasika ny fikaonandoha nasionaly hahafahana miatrika fifidianana madio, dia mbola misary adala toy ny mahazatra ny fitondrana.

Ny Valosoa

MINISTRA SY TALE JENERALIN'NY JIRAMA

Fahendrena no miala fa tsy voavaha ny delestazy

Maro ireo maneho hevitra momba ny delestazy lavaren'ny tato ho ato, fa fahendrena no miala ho an'ny ministry ny angôvo Andry Ramaroson, sy ny tale jeneralin'ny Jirama Rivo Radanielina, tsy ho voavahan'izy ireo mihitsy ny olan'ny fahatapahan-jiro lava. Andro vitsy izao, vao maika miha-lava ny fahatapahana, raha tsy nisy afa-tsy indray mandeha teo aloha, ankehitriny tonga hatramin'ny indroa na in-3 ny fahatapahana. Efa manomboka mitroatra ny mpanjifa noho izany, toy izany no ni-

tranga teny Itaosy Antananarivo Atsimondrano afak'omaly alina. Efa tsy rariny intsony hoy ny mpoina ity ataon'ny ministeran'ny angôvo sy ny Jirama ity, ka mety amin'izy ireo ny manipy baolina fa tsy hiziriziry eo foana, ka hihàran'ny fahatezeram-bahoaka faobe eo ny farany. Efa tena ahiana izay fahatezeram-bahoaka izay ankehitriny, tonga amin'ny ilay fitenenana hoe: "efa hipoaka ny sarom-bilany", ka mety amin'ireo tompon'andraikitra ireo no miala, mba tsy hitobahan'ny rano mangotraka eo, raha



Ny kivorivory mbola ataon'ireo tompon'andraikitra, nefa ny olana tsy voavaha fa mitoetra.

hipoaka tokoa izay tena fahatezeram-bahoaka mafy izay. Am-bava homana,

am-po mieroatra izany, hoy ny fitenintsika izay!

Ny Valosoa

Belo Tsiribihina

Nitrangana fakana an-keriny koa tany Antsoha

Nisy fakana an-keriny olona, nitranga ny alin'ny 14 jona 2022 tokony ho tamin'ny 11 ora alina tany Ankilimagnarivo, fokontany Bekilikely, kaominina ambanivohitra Antsoha, distrikan'i Belo/Tsiribihina. Felana no anaran'ilay niharam-boina, vadin'Andriamatoa Alexandre, komity ao amin'ny fokontany. Araka ny angombaovao voaray dia jiolahy miisa 09 tsy fantatra ana-

rana nirongo basim-borona 02 sy fitaovam-piadiana mahery vaika no nanao izany. Nisy nangalatra koa ny kojakoja andakozia sasany. Raha vao nahazo fampandrenesana an-telefaonina ny zandary tao amin'ny POR Ambondro dia niditra antsehatra avy hatrany. Nandritra ny fanarahandiana natao dia nitaky vola 400 tapitrisa ariary tamin'ny fianakaviana ireo jio-

lahy. Tamin'io andro io tokony ho tamin'ny 4 ora sy 46 min, no nitrangan'ny fifandonana teo amin'ireo mpanenjika sy ireo olondratsy teo amin'ny toerana antsoina hoe Antsahafa, tokony ho 15 km andrefan'ny tanànan'i Mandoso, tany amin'ny fokontany, kaominina ambanivohitr'i Belinta, distrikan'i Belo/Tsiribihina. Vokany: tafaverina soa aman-tsara ilay olona nalaina an-ke-

riny. Nivoaka tsy nisy naninona ny zandary sy ny fokonolona izay nanaradia. Tsy nisy vidim-panavotana natao. 02 tamin'ireo jiolahy naratra saingy nentin'ireo namany nitsoka. Naneho fankasitrahana ny zandary ireo ny mpoina sy ny manam-pahefana tao an-toerana. Mitohy ny fikarohana ireo jiolahy sy ny fanadihadiana hoy ny avy amin'ny zandary.

Rajepa



Fampidirana am-ponja an'i Ninie Donia Mamaky ady amin'ny vahoakan'i Nosy-Be ny fitondrana Rajoelina



Arphine Rahelisoa Helisoa : naiditra amponja vonjimaika koa Ninie Donia, fa ahoana mihintsy e? Famakiana ady amin'ny vahoakan'i Nosy-Be izao ataon'ny fitondrana Rajoelina izao.

Mah Tok : hay ze milaza ny marina sy miteny tsy mety ataon'ny mpitondra dia tsimponina tsiray2 ahiditra am-ponja. Hein! toerana hifandimbiasana io ary efa akaiky 2023, vahoaka no tompon'ny teny farany miraisa hina ry Malagasy.

Rambinitsoa Brunot Brunot : grave izy ty.

Fara Holinirina Ramiandrasoa : sao tsy rariny e!

Ebera Razafindraibe : fa inona ny antony ?

Rambinitsoa Brunot Brunot : ary Tatandraza ve jerem-pot-siny?

Bodo Patty : fa ino nahatonga anazy nampidirina am-ponja?

Edson Ednnah : zay ve no système hitan-dreo fa mety ? tsy rariny ataon'ny fitondrana Rajoelina zao io!

Marwan Habib : fa dia inona loatra ny problème ny mpitondra @ty renimpianakaviana ty, nefa dia samy Artistes ihany.

Rktr Naina : de intimidation foana no lehibe indrindra!

Ramamonjarisoa Nicette : hiafara @ tantaran'i Côte d'Ivoire io raha tsy mitandrana, chasse à l'homme, ady an-trano!

Charles Bemanara : ry mpitandro filaminana, mba mila ny te-hahafantatra ny antonantony mikasika ny fampidirana amponja an'i Ninie Donie izahay havany tompoko.

Endilatse Robilahy : fa d naninona loatra ré! Olona mba anisan'ireo STARS de Madagascar ve d ataon'izany. Raha mba zavatra azo leferina ihany. Tena mandatsa-kasina olona mihintsy. Mba jereo ihany ny maha-olona tompoko, fa na ny taonany aza dia efa tsy mendrika azy ny any, indrindra ny maha vehivavy azy.

Razafinandrasana Soaraibe : izay miseho milaza ny marina dia amoronana dossier.

Aronjatovo Nantenaina Randriantahiry : fa nisy inona? Efa tsy rariny intsony zao a!

Zacharie Rakotoarisoa : raha mafy ianareo fitondrana Rajoelina dia gadrao koa ilay solontenan'ny Banky Mëndialy iny ary.

Ainafity Sarobidy Fitiavana : zay no tena marina.

Aina Ranarivahoaka : ann! Mitady loza ity fitondrana Rajoelina ity angamba ka.

TOMONKALO

Ny mpitondra sy ny delestazy

Mbola sahy mijoro ihany ve `nareo mpitondra ireo, Na efa miakatrakatra aza, tsy mijanona ny feo, Dia feon'ireo vahoaka tezitra, miandry izay mba vahaolana Notenenin'ny filoha fa aorian'ny enim-bolana ?

Efa hifarana tokoa ilay enim-bolana voalazany, Kanjo ingahy filoha mihitsy no ampingain'ny resa-jazany! `Ndeha jereo fa miha-mitombo ity ilay hoe delestazy, Ka ny fitohizan'io dia ampy tena hampiongana azy !

Ny olana mitombo hatrany, ny eo anefa tsy voavahany. Tsy araka ny hoerahoera sy kabary fidedahany. Rahoviana ingahy filoha vao hiaiky hoe "tsy mahavita azy" Fa tsy hainy sy tsy vitany ny hanala ny delestazy ?

...O Rateloambinifolo, ry filohan'ny mpandrava, Tena tsy talentanao ny hoe hitondra ny mazava. Mety ny mandao ny seza sy miala am-pahendrena, F'efa maizina ny tany, potika ny firenena !

TSIMIMALO (17-06-22)